
MYNEWSHUB

MYNEWSHUB

LHDN TERKINI



Selesaikan Tunggakan Cukai Menjelang Tahun Baharu

By Mohd Arshad 20/11/2024 0 25

PANTAS masa berlalu. Pejam celik, pejam celik tidak lama lagi kita bakal meninggalkan tahun 2024.

IKUTI CHANNEL MYNEWSHUB DI WHATSAPP.....

Memasuki tahun baharu tentunya banyak cita dan harapan terlakar demi meneruskan arus kehidupan. Bagaimanapun tanggungjawab tetap tanggungjawab. Kewajipan yang tertunggak usah sesekali diabaikan.

Begitu juga kewajipan sebagai warganegara yang bertanggungjawab dalam menjelaskan cukai pendapatan. Gagal berbuat demikian bukan sahaja dikenakan kenaikan cukai lewat bayar, malah berdepan sekatan perjalanan.

Kenaikan cukai sebanyak 10 peratus akan dikenakan ke atas amaun cukai atau baki cukai yang tidak dibayar.

Sekiranya pembayar cukai menghadapi kesulitan bagi menyelesaikan jumlah cukai atau baki cukai yang tertunggak, HASiL membenarkan bayaran cukai tertunggak dibuat secara ansuran yang boleh dimohon sama ada melalui arahan potongan gaji (CP38) atau melalui ansuran sendiri.

Permohonan boleh terus dibuat kepada pejabat HASiL yang mengendalikan fail cukai mereka dengan menghantar beberapa dokumen yang diperlukan seperti surat permohonan, penyata gaji dan dokumen sokongan yang berkaitan dengan masalah kewangan mereka.

Kesimpulannya, selesaikan tunggakan cukai menjelang tahun baharu supaya jiwa dan fikiran tenang lagi damai memasuki tahun 2025.

Mynewshub-